

دكة الإحتياط .. الحلقة (51) .. #ريمونتادا .. د . حازم شومان

حازم شومان

تاريخية تاريخية تاريخية مستحيل السلام عليكم ورحمة الله وبركاته. شبابنا وبناتنا كل سنة وانتم طيبين. يا شباب ما فيش موقف اصعب من موقف فريق لاعب موسم وحش. كسب ماتش وخسر - [00:00:00](#)

الماتش وجه في نهاية الموسم كل الفرق عرفت موقفها. الفريق ده نزل دوري المزاليم خلاص راحت عليه من بدري من بدري باينة. والفريق ده بينافس على الاول او على الثاني - [00:00:20](#)

او على الثالث ده فريق نزل وضاع في دوري المزاليم وده فريق بينافس على الدوري او عرف ان هو مكمل في الدوري الممتاز والفريق بتاعنا ده واقف في النص ما هوش عارف هو هيروح - [00:00:30](#)

فين ؟ مستني لو الفريق الفلاني كسب الفريق الفلاني والفريق الفلاني خسر قدام الفريق الفلاني. والفريق الفلاني جاب ثلاثة صفر في الفريق الفلاني انا ممكن افضل في الدوري الممتاز وما نزلش دوري المزاليم. ما هوش عارف هينزل المزاليم وهيضع ولا هيفضل في الدوري الممتاز وهيفضل وقاعد منتظر ما فيش موقف اسوأ من موقف - [00:00:40](#)

ايه ده! الا موقف اصحاب الاعراف يوم القيامة وهم واقفين على جبل الاعراف وقاعدين منتظرين مش منتظرين هينزلوا في دوري المزاليم ولا هيطلعوا في الدوري الممتاز ده منتزرين مصير. هيدخلوا الجنة. جنة الممتاز بقى الدوري الممتاز. الحاجة العظيمة ولا هيروحوا في جهنم والعياذ بالله واقفين - [00:01:00](#)

قاعدين يبصوا يا جماعة على اهل الجنة واهل النار. ربنا اداهم حنة درس. ربنا ادى لهم حنة درس وحنة موقف ربنا وقفهم ما بين اهل الجنة واهل النار. الناس دي لعبت - [00:01:20](#)

موسم وحش في الدنيا. الناس دي في السانوية العامة بتاعة الجنة جابوا خمسين في المية في التنسيق. حسناتهم قد سيئاتهم. كانوا ماشيين في النص. لا كانوا بيرضوا يزودوا في الحسنات ولا - [00:01:30](#)

كانوا بيرضوا ويتوبوا من السيئات. جم في الاخر وقف التنسيق بتاعهم على دخول الجنة على نص درجة. مش عارفين يجيبوها. ساعة ما تطايرت الصحف. كل الناس ده خد كتابه بيمينه وده خد كتابه بشماله ودلة كتابه متاخذ باليمين ولا بالشمال. ساعة ما الناس وقفت على الميزان ده كفة حسناته طبت وده كفة سيئاته طب - [00:01:40](#)

وده لا طببت له كفة حسنات ولا كفة سيئات. لما كل الناس اتعرضت على الله. ده خرج يقول هقوم اقرأوا كتابي اني ظننت اني ملاقة حسابية فرحان وده خرج يقول يا ليتني لموتة كتابية وده لا عرف هو جنة ولا نار. ارض المحشر خلصت وارض المحشر فضت. اللي دخل - [00:02:00](#)

دخل الجنة واللي دخل النار واتسحب على وشه لجهنم اتسحب على وشه ودول واقفين لا عارفين جنة ولا نار. احنا هنروح فين يا رب. اللي عارف انه ناجح في السانوية العامة عرف - [00:02:20](#)

واللي عرفوا انه داخل طب عارف واللي عرف انه سوجه اتعرف ودول واقفين ما هماش عارفين. طب احنا هنروح فين؟ ربنا وقفهم على كمان الاعراف. يبصوا على الجنة ويبصوا على النار. يبصوا - [00:02:30](#)

النعيم المذهل بتاع الجنة ويقولوا يا ريتنا كنا طعننا ربنا اكثر من كده. ويبصوا على العذاب المذهل بتاع النار ويقولوا يا رب احنا مش متخيلين ان احنا هندخل يا رب حنة درس مش ربنا آآ وقف واحدة وسمعها درس عن الجنة ودرس عن النار. او وراها خطبة عن الجنة وخطبة عن النار. ده - [00:02:40](#)

بث مباشر لايف عين رأي العين للجنة وللنار عشان ربنا يعلمهم. وقفنوا في النص ليه؟ ما رديتوش تفصلوا لطاعة ربنا ليه؟ ما رضيتش تاخدي قرار بحجاب شرعي سليم ليه؟ ما رضتش تاخذ قرار بصلاة جماعة وتوبة الى الله ليه؟ ما رضتوش تتغيروا ليه؟ وقفنوا في النص وادي نهاية الوقوف في النص. ادي - 00:03:00

طريق مصر وادي طريق اسكندرية. اللي حب يكسب الطريقين ومشي في النص لا في الاخر وصل مصر. ولا في الاخر وصل اسكندرية. وده حالة اهل الاعراف. الفريق يعني اللي مش عارف هينزل دوري المزاليم ولا هينقص في الدوري الممتاز هيترمي في جهنم ولا هينقز في الجنة موقفين ما هماش عارفين - 00:03:20

ارض المحشر خلصت وكل الناس اخذوا اخذاتهم وهم واقفين مش عارفين يعملوا ايه. تعالوا اما نشوف بس مباشر من اهل الاعراف من سورة الاعراف. ونشوف الناس اللي قاعدة على دكة الاحتياطي دي مش عارفة هتروح فين. هتروح هنا ولا هتروح هنا. ربنا هيعمل معها ايه ونادي اصحاب الجنة اصحاب النار - 00:03:40

الحكاية مش بادئة من اهل الاعراف. الاية بادئة من موقف رهيب يا جماعة. اهل الجنة قاعدين جوة الجنة. ده قاعد تحت شجرة كل ورقة فيها لون وكل طير فيها لحن وقعد يتنعم - 00:04:00

وكل ثمرة تعب. وده قاعد في القصر بتاعه تصاميم مزهلة. وده قاعد مع النبي عليه الصلاة والسلام بياكل معه وبيتكلم معه. وده بينظر لوجه الله الكريم وده مع مراته راكبين يخت في نهر من انهار الجنة وطايرين وبيتنعموا. واهل النار في النار. ده مقفول عليه تابوت من توابيت الجمر. وبيحسب - 00:04:10

انه الوحيد اللي في جهنم ومش عارف ان جهنم مليانة ناس حواليه. وده في زلزلة قاعد يصرخ ويتشاكل في المكان الضيق مع اللي جنبه. وده ملك من الملائكة ماسكه وده بيشرب من الحبيب وده بيشرب من الصديد - 00:04:30

المنزر رهيب هنا والمنزر رهيب هنا. وفجأة صوتي يشق الفضاء كله. جاي من الجنة وطالع للنار. هل وجدتم ما وعد ربكم حقا هو ايه اللي بيحصل اهل النار؟ يفزعوا هو ايه اللي بيحصل ايه الصوت ده؟ ونادي اصحاب الجنة اصحاب النار. اهل الجنة يبصوا على اهل النار يبصوا عليهم ازاي يا عم الشيخ؟ ده - 00:04:44

دول في السماء السابعة ودول في الارض السابعة. هو الجنة جنب النار يبص عليهم ازاي؟ يا عم انا بالهانج قوي دلوقتي اقدر اتكلم مع واحد في امريكا واتواصل معه واشوف ضحكته - 00:05:04

هو يشوف ضحكتي وقاعدين نتكلم مع بعض. الموضوع في السوشيال كومونيكيشن بقى اسهل مما نتخيل. ممكن ربنا موفر لهم وسائل يتواصلوا بها مع بعض. ونادي اصحاب الجنة مش اصحاب فيرمونت ولا انتر كونتنتال ولا هيلتون ولا اصحاب قرية اصحاب الجنة دول بقوا ملوك الجنة. ونادي اصحاب الجنة - 00:05:14

لما افتكروا اهل النار عملوا فيهم ايه؟ كانوا بيعزبهم في الدنيا قد ايه؟ كانوا بيبهدلوهم في الدعوة قد ايه؟ فعازين يتشافوا فيهم بقي. ما خلاص نادي اصحاب الجنة - 00:05:34

اصحاب النار ان قد وجدنا ما وعدنا ربنا حقا. وجدنا النظر لوجه الله حق. وجدنا الفردوس الاعلى اللي سقفها عرش الرحمن حق وجدنا القعدة مع النبي ومع الانبياء ومع الملائكة حق. وجدنا الحور حق. وجدنا القصور حق. وجدنا الدور حق. وجدنا نعيم القبر حق. وجدنا - 00:05:44

ان على الصراط حفلة اجتماعية واحنا بنعدي مع النبي عليه الصلاة والسلام حق. فهل وجدتم ما وعد ربكم حقا؟ وجدتم آآ سقر حق. وجدتم السعير حق وجدتم مقامع جهنم حق. وجدتم خازن ملك النار حق. وجدتم عذاب القبر ومنكر ونكير حق. وجدتم ضيق القبر حتى تختلف الاضلاع حق - 00:06:04

وجدتم غلق ابواب السماء امام ارواح العصاة والمذنبين والفجرة والكفرة حق. وجدتم زنازين جهنم حق. وجدتم كل اية من آيات القرآن ربنا خوفكم من جهنم فيها. انها طلعت بحق وحقيقي. والموضوع ما كانش تهويش كده وخلاص يا شباب. فهل وجدتم ما وعد ربكم حقا - 00:06:24

ما ردوش غير بكلمة واحدة بس. قالوا نعم فاكرين ان هم هيصعوبوا على اهل الجنة يبينوا علاقات قالوا نعم فاذن مؤذن بينهم.

المفسرين يقولوا ده ما لك خزن النار. فاذن مؤذن بينهم ان لعنة الله على الظالمين. انتم مطرودين - [00:06:44](#)

من رحمة ربنا الظالمين مين يا مالك؟ الظالمين مين يا خازن جهنم؟ تلت حاجات الذين يصدون عن سبيل الله اللي بيصدوا عن سبيل الله اللي عندهم صدود من الدين اللي عندهم - [00:07:00](#)

من الحجاب. اللي عنده صدود من منزر الملتزمين. اللي عندها صدود من القنوات الدينية. اللي يشغل الاف ام وبينها وبين ازاعة القرآن الكريم شعرة. عنده صدود ان القارئ يطلع اللي عندها صدود انها تحضر درس ديني. اللي عندها صدود من منزر النقاب او حجاب امهات المؤمنين. الذين يصدون عن سبيل الله. او صدوا - [00:07:10](#)

ناس عن الدين بتشجيعهم للناس على المعصية. لما بتشارك الشلة بتاعتك في معصية ربنا انت بتصد عن سبيل الله. واتنين وبيغونها عوجا. ييغون ايه؟ ييغون سبيل الله! الله! هم عايزين دين ولا مش عايزين دين؟ ييغون الدين بس ييغونها عوجا. بس عايزين دين عوج. هي عايزة حجاب بس سبانيش تركش. عايزة حاجة كده هو عايز دين - [00:07:30](#)

اسلامي. يبقى الدنيا فيه مش محبكة وحرام وحلال. هم عايزين دين ولكن دين على الهوى. دين على المزاج. ثلاثة وهم بالآخرة كافرون. هم بالآخرة هو بيستعد لكل حاجة في الدنيا الا الآخرة. بيعمل حساب كل حاجة الا الآخرة وبينهما حجاب. زي ما كان في الدنيا بيعمل حجم المواقع الاباحية - [00:07:50](#)

والتاني بيعمل حجب للمواقع الدينية زي ما كان في الدنيا بينهما حجاب لا دول داريين بدول ولا دول داريين بدول. دول سهرانيين في الناي كلاب وفي الديسكو متهيأ لوهم ان الدنيا كلها كده - [00:08:10](#)

ودول سهرانيين في الاعتكاف في الجامع قاعدين يعبدوا ربنا وبيتهيأ لهم ان الدنيا كلها كده. في الآخرة بينهما حجاب. محجوبين عن بعض. وعلى الاعراف رجال على الاعراف فيه ناس واقفة بقى قاعدة تبص على اللاتين ومش متخيلة ان الفجوة ما بين الجنة والنار كانت بالمنزرد. مش متخيلة انها تفرق كثير للدرجة دي. مش متخيلة - [00:08:20](#)

ان الفجوة ما بين الجنة والنار مذهلة بالمنزرد. وعلى الاعراف رجال. يعرفون كلا بسيماهم. هي دي المشكلة. يعرفون كلا. كانت اتفرج على الممسلة الفلانية في التمسيلية رمضان الفلانية. وتقلب تتفرج على البرنامج الديني في القناة الاسلامية الفلانية. كان بيسمع المغني الفلاني والداعية الفلاني - [00:08:40](#)

مصاحبة البنت المتبرجة الفلانية والبنت المتدينة الفلانية. يعرفون كلا بسيباب وكانوا فاكرين ان هي دي الوسطية وكانوا فاكرين ان هم كده ماشيين في النص. وكانوا فاكرين ان هم كده ماسكين العصاية في النص. مش عارفين ان هم كانوا بيرقصوا على السلم. لا طالوا فوق ولا طالوا تحت في الآخر. يعرفون - [00:09:00](#)

كلا بسيماهم وكانوا في الدنيا يفتخروا احنا عندنا علاقات دينية وعلاقات مفتوحة واحنا فري واحنا وعلى الاعراف رجال يعرفون كلا بسيماهم ونادوا اصحاب الجنة ان سلام عليكم. بيعملوا ايه؟ بيسموها ايه؟ بيرموا كلام بيلاغوا بيملوا علاقة - [00:09:19](#)

كان امبارح اصحاب الجنة دول لما بيجوا بيعوهم في جولة الى الله كانوا يهربوا منهم. وكانوا يطفشوا منهم. النهاردة هم اللي بيتمحكوا فيهم. النهاردة سلام عليكم. مش فاكرين ولا ايه لم يدخلوها وهم يطمعون يا رب يا رب القصور دي والجنة دي والنعيم ده يا رب يا رب دخلها لي يا رب لم يدخلوها - [00:09:39](#)

وهم يطمعون. واذا صرفت ابصارهم تلقاء اصحاب النار. فجأة وهم قاعدين يبصوا للجنة. يا جماعة الاية دي مزهلة. اذا صرفت ابصارهم تلقاء اصحاب النار ازاى؟ يا رب ده نعيم الجنة ده ما لا عين رأت ولا اذن سمعت ولا خطر على قلب بشر. يعني الناس دي بتشوف مناظر المفروض تذهلها عن الدنيا كلها. وتخليها تنسى الدنيا - [00:09:59](#)

اللي يقطع تفكيرهم من النزول للجنة بعد ما شافوها. ويخلوهم يبصوا للنار. ربنا قالها. واذا صرفت ابصارهم. ده غصب عنهم تلقاء بتلقائية فجأة يسمعو صراخ رهيب وعويل رهيب وناس بتسحب على وجوها الى النار. وناس بتصرخ جوة توابيت الجمر اللي جوة زنازين اللي جوة سرادقات جهنم - [00:10:19](#)

يبصوا بكل فرع اذا صرفت ابصارهم كلهم مرة واحدة من الصرخة لكل اتفزع وفاء من نعيم الجنة تلقاء اصحاب النار قالوا ربنا لا تجعلنا مع القوم الظالمين. يا رب ما تخليناش مع دول. يا رب احنا اتزلىنا بقى لنا عشر تلاف عشرين الف سنة واقفين على جبل الاعراف. يوم - [00:10:39](#)

يا جماعة معزم الناس بتخلص عند الظهر ما يعادل الظهر في اليوم. يعني معزم الناس على نص يوم القيامة بيبقى خلاص دخل الجنة واخذ اخذاته. دول واقفين بقى لهم كم الف سنة - [00:10:59](#)

باقي الخمسين الف سنة مكملين على دول. هم دول اللي بيكملوا الخمسين الف سنة نصاب يوم القيامة. قالوا ربنا لا تجعلنا مع القوم الظالمين. يا رب مش عايزين نبقي مع - [00:11:09](#)

يا رب يا رب مش عايزين تبقى دي النهاية. يا رب مش عايزين النار تمسنا. كل ده ليه ؟ كان قدامك كانت حسنة واحدة تنقذك من الموقف اللي انت فيه ده. كان - [00:11:19](#)

انك انت فلما فصل طالوت انك تاخذ قرار انك تاخدي قرار انك تبقي انسانة متدينة بحق وحقيقي. انك تاخذ قرار ان اللي بيقف في النص في الاخر ما بيوصلش لحاجة. لا بيكسب - [00:11:29](#)

طب ده ولا ما بيكسبش اي حاجة ويبفضل واقف في النص في الاخرة. اللي في الدرجة اولى في القطر لما القطر بيلف للناحية الثانية بيبقى ورا في السبينة واللي في - [00:11:39](#)

السبينة لما القطر بيلف بيرجع درجة اولى وان شاء الله اهل الدين حتى لو الوقت الاعلام مخليهم ورا القطر هيلف في يوم من الايام وهيبقى قدام ولكن اللي في النص هيفضل في النص. لا هيطلع وراه ولا هيرجع قدام. وهم دول اصحاب الاعراف اللي واقفين على دكة الاحتياطي. ما رضوش ان هم يبقوا لهم موقف ايجابي مع دين ربنا - [00:11:49](#)

ما رضوش ان هم يبقوا لهم موقف ايجابي مع طاعة الله سبحانه وتعالى. ونادى اصحاب الاعراف رجالا يعرفونهم بسيماهم. مش انت الشاب الفلاني اللي كنت مقطوع الدنيا ونص بنات البلد تتمنى تمشي معك. مش انت اللي كنت تمشي بشعرك كده في النادي تقلبي النادي - [00:12:09](#)

كله والناس كلها. الشباب كلهم يتمنوا كلمة منك. مش انت النجم الفلاني. مش انت النجمة الفلانية. يعرفونهم بسيماهم. قالوا ما اغنى عنكم جمعكم وما انتم تستكبرون اهؤلاء يا اهل النار الذين اقسستم لا ينالهم الله برحمة كان في تمسيلات رمضان ماسكينهم سلخ للنهار وكنتم بتقولوا دول - [00:12:29](#)

شوية متطرفين وارهابين ادخلوا الجنة. ادخلوا الجنة هي دي الكلمة. اللي ربنا يتوج بها القصة. لعل ربنا يرحم اهل الاعراف في النهاية. لعل ربنا ينقذهم من امه ان هم ينزلوا لدوري المزاليم ويرفعهم للدوري الممتاز وينقذهم ويدخلهم الجنة ويعيشهم الحياة الطيبة في الجنة ولكن - [00:12:49](#)

الوقتي وانت الوقتي واحنا في سلسلة ريمونتاد يا شباب. واحنا بنتكلم عن الرومنتاد دلوقتي. هتفضلي على دكة الاحتياطي لحد امتى ؟ هتفضل قاعد تتفرج على الملتزمين وهم داخلين الجوامع وخارجين من الجوامع وانت قاعد على دكة الاحتياطي. انت مش عدو لهم. انت مش كارهة المتدينات. انت مش كاره التدين. انما انت انسان واقع حياتك كلها على دكة الاحتياط ومقضيها - [00:13:09](#)

دكة احتياطي. مش عايز تاخذ موقف ايجابي. مش عايز تنزل يا اخوانا لو حذاشر لعب بيلعبوا حذاشر لعب ماشي. انما لو حذاشر لعب بيلعبوا حذاشر الف او حذاشر مليون لعب مصيبة. الوقتي اهل الدين حذاشر واهل الباطل حذاشر مليون. فانت دلوقتي شايف الوقت المعركة بين الحق والباطل وساكت. طب الطاعة - [00:13:29](#)

طب قيام الليل. طب صلاة الجماعة. طب حضور الدروس. طب انك تحفظي القرآن. طب حجاب امهات المؤمنين. طب حتى الخمار. طب حتى الاسدال. طب حتى حاجة كده سابغة لاً انا هاقضي حياتي على دكة احتياطي. انا واقفة في النص. انا انسانة معتدلة. دكة الاحتياطي عمرها ما هتجيب اي نتيجة يا جماعة. لو انت قضيت - [00:13:49](#)

حياتك عليها. طب التوصية بتاعة النهاردة ايه ؟ الرومنتادا بتاعة النهاردة ايه ؟ الرمان بتاعة النهاردة اللي هقول لك صل. ولا هقول لك افتحي مصحف ولا هقول لك صم ولا هقول لك اعتكفي. ولا هقول لك احفز قرآن ولا هقول لك احضري دروس. ريمونتات النهاردة جواك انت جواك انت. ريمونتات النهاردة قرار - [00:14:09](#)

انك انت تاخدي قرار انك انت تاخذ قرار بينك وبين ربنا. يا رب انا مش هكمل في النص. يا رب انا مش هكمل بالمنزل اللي انا فيه ده. يا رب انا هافصل لطريقك - [00:14:28](#)

فصل طالوت كانت دي البداية. كانت في القصة بداية عودة فلسطين. كانت في القصة بداية الفتح المبين. كانت في القصة بداية تغيير الاوضاع. اول كلمة في التغيير فصل اول كلمة في تغيير وضعك في حياتك وفي تغيير اوضاعك في حياتك دنيا واخرة فصل انك تاخدي قرار فاصل زي ما ربنا قال على القرآن. اللي بنفتحه كل يوم في رمضان - [00:14:38](#)

انه لقول فصل وما هو بالهزل ما هو بالهزل. فيه ناس حولت علاقتها بالقرآن لمسرحها مسرحية هزلية. انه لقول فصل. لازم كل اية تخليك تفصلي تخلي حياتك تتغير تخليكي تاخدي القرار اللي انت بقى لك مدة مش قادرة تاخديه. واللي انت بقى لك مدة مش قادر تاخده وانت حاسس انا كده كويس. انا كده كويس انا والله - [00:14:58](#)

كويس انا شاب معتدل لا اللي عنده مية ثمانية وعشرين لما بيشوف واحد راكب لانسر بيقول اوعدنا يا رب. واللي راكب لانسر لما بيشوف واحد طائر بي بي ام وبيقول امتى نطلع على وش الدنيا - [00:15:18](#)

راكب بي ام لما بيشوف واحد راكب هامر بيقول ده احنا مدفونين بالحيا. واللي راكب هامر لما بيلقي ابن ملياردير راكب طائرة وبيتفسح بها. بيقول هي دي الناس اللي طلعت - [00:15:28](#)

وهم دول اهل القمة دايم في الدنيا كل الناس عايزة تزيد. اشمعنى في الدين مش عايزين نزيد؟ اشمعنى في الدين راضيين بوضعنا؟ ولكن في الدنيا مش راضين بوضعنا. كل واحد عايز شقة - [00:15:38](#)

احسن من اللي هو ساكن فيها. وعربية احسن من اللي هو ساكن راكبها. وموبايل احسن من اللي هو بيستعمله. عايز حياة افضل ولايف ستاندرده افضل. اللايف ستاندرده الحقيقة يا شباب - [00:15:48](#)

في الجنة مستقبلك الحقيقي في الجنة. مستقبلك الحقيقي في الجنة. اوعي تضيع مستقبلك. اوعي تضيع مستقبلك. اوعوا تعيشوا يا شباب انتم دم قلب الاسلام على دكة الاحتياطي. افصلوا وخدوا قرار عشان ما تلاقيش نفسك يوم القيامة قاعد مع اصحاب الاعراف. خايف انك تنزل دوري المزاليم - [00:15:58](#)

ومرعوب احسن ما تفضلش في الدوري الممتاز. عايزين ناخذ قرار نص درجة في السانوية العامة بتفرق في مستقبل الطالب بدل ما يدخل الكلية اللي هو عايزها. يدخل كلية تانية ما هوش عايزها - [00:16:18](#)

يفضل يتشرب رايح جاي اربع خمس سنين في المواصلات. ويقول يا ريتني كنت ضغطت على نفسي شوية. مش عايزين الموقف ده يحصل لنا يوم القيامة. ده نص درجة في السانوية العامة - [00:16:28](#)

امال حسنة يوم القيامة تفرق قد ايه؟ مش عايزين نقول يا ندمي. يا ندمي يا ابني ده كانت حنة الارض اللي الوقتي بمتين الف جنيه المتر. كانت معروضة علي بخمسة وتلاتين قرش زمان وانا شابة يا ابني - [00:16:38](#)

يا ريتك يا ماما اشتريتها. يا ريتك يا ماما كنت خدتها. دي يا ندمه بتاعة الدنيا. يا ندمه بتاعة الاخرة دي شئ تاني. لا يتخيل ولا يتصور. مش عايزين نندم - [00:16:48](#)

يا شباب ريمونتادا يا شباب قرار فصل في طاعة ربنا والالتزام والتدين يا شباب ربنا يبارك فيكم. ربنا يحفظكم ربنا يهدي قلوبنا وقلوبكم ربنا يتوب علينا من كل زنوب زمان. ربنا يفتح لنا ابواب فضله ورحمته. ربنا يستعملنا ولا يستبدل بنا. اللهم استعملنا ولا تستبدل بنا. اللهم - [00:16:58](#)

اللهم بارك لنا في رمضان ولا تخرجنا من رمضان الا وقد بدلت احوالنا لاحسن حال. انك ولي ذلك والقادر عليه. سبحانه اللهم وبمحمدك اشهد ان لا اله الا انت استغفرك واتوب اليك - [00:17:18](#)

كرة عرضية عالية روني الله! مستحيل! مستحيل هذا لا يحدث كل يوم. هذا لا يحدث كل يوم. هذا لا يحدث انفجار - 00:17:30